

Maya Croes, corona como Reina Grandi di Majestic Carnival Group 2011

STA. CRUZ -- Bisti cu un shimis di gala hopi impactante y cu presencia di Prins y Pancho di Aruba su Carnaval y tambe un publico hopi anima, srta. Maya Croes a wordo corona door di sr. Juby Naar y sra. Swinda Winterdaal como Reina Grandi di Majestic Carnival Group pa Carnaval 57. Na e mesun ocasion SAC a instala srta. Jennyree Geerman como e representante di Aruba na e certamen International Carnival Queen cu ta tuma lugar na Corsou. Jennyree tabata Reina Grandi di Majestic Carnival Group na 2008 y a sali Reina Grandi di Aruba su Carnaval tambe e mesun aña. Tambe sra. Wendy Kelly a keda corona como e Señora Carnaval di Majestic Carnival Group y lo representa e grupo di Carnaval awenochi den e

eleccion di Sra. Carnaval. Tur esaki a sosode cu presencia di un publico grandi tur na corra. Maya ta hopi contento cu su coronacion y ta priminti di haci su maximo esfuerzo pa trece un bunita show y presentacion riba escenario dia 19 di Februari, pa asina aporta y yuda engrandece Aruba su Carnaval cu su participacion. Maya kier a gradici tur esnan cu a asisti na su coronacion y tambe esnan cu ta trahando cu hopi dedicacion riba tur loke e ta bay tin mester pa competi. Un danki special tambe ta bay na K&G Fashion Boutique cu ta encarga cu Maya su vestuario y accesorionan y tambe na Elsa's Flowershop cu a haci entrega di un bunita ramo floral na e Reina Grandi di Majestic!

